

Theologia Scholastica Secundum Viam Et Doctrinam D. Thomæ Aquinatis, Doctoris Angelici

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Refutatur efficacia fundata in Scientia media.

[urn:nbn:de:hbz:466:1-73455](#)

§. I.

Refutatur efficacia fundata in scientia media.

Contrà est tertio, quod efficacia decreti sic ex-
posita foret & non foret intrinseca. Foret ex hy-
pothesi Adversari. Non foret: quia, cum efficacia
decreti sit ejus infallibilis connexio cum effectu,
tunc non est intrinseca efficacia decreti, quando
infallibilem connexionem cum effectu non habet
ex meritis & virtute sibi propria & inexistentia,

sed ex hypothesi & coniunctione alicuius extrin-
seci: atque decretum non habet infallibilem con-
nexio, ex virtute sibi inexistentia; sed ex
suppositione scientiae mediae, in qua antecedenter
ad decretum fuit conditionate prævisa con-
gruitas auxiliorum cum libero arbitrio, & futuri-
tio consensus; unde nisi illa congruitas per scien-
tiam medium fuisse sic explorata, rueret omnis
certitudo & infallibilitas decreti prædefinitis:
ergo decretum suam certitudinem non habet ex
fuis meritis, & virtute inexistentia, sed ex hypo-
theti congruitatis & consensu futuri in scientia
media conditionate prævisi.

Confirmatur. In tantum decretum prædefi-
niens haberet intrinsecam efficaciam, in quantum
præpararet auxilia infallibiliter connexa cum con-
senso & operatione: sed ex hoc capite non potest
esse intrinsecè efficax: ergo. Major est Adversari.
minor probatur. Ipsius auxilium ab intrinseco,
& secundum proprias vites est indifferens, ut con-
jugatur, vel non conjugatur cum consenso, &
quod potius conjugatur, quam non conjugatur,
id habet ex prævisione futuri consensu in
scientia media, ubi suam sortitur congruitatem;
ideoque si idem entitatib[us] auxilium conseratur
non operato, h. e. qui prævidetur in scientia
media non acceptatus illud auxilium, eo ipso
non est efficax, decretum quoque conferendi ta-
le auxilium non est efficax: ergo cum decretum
pro suo objecto habeat tale auxilium intrinsecè
indifferens, ratione illius fieri non potest intrinsecè
efficax.

Dices quidem, quod tametsi auxilium mate-
rialiter spectatum sit indifferens; non tamen
spectatum formaliter, prout nimis substat be-
neficentissima voluntati Divina, decernentis il-
lud conferre tanquam congruum. Sed contrà est:
quod illud ipsius, formaliter, non competit au-
xilio, nisi per denominationem extrinsecam à præ-
visione scientie media, in qua, & à qua sumit de-
nominacionem congrui: ergo necdum salvatur
intrinseca efficacia. Confirmatur. Si haberet ab
intrinseco rationem auxilii congrui formaliter,
tunc etiam per sua intrinseca distinguetur ab au-
xilio purè sufficiente non congruo; sed hoc dici
non potest in sententia Adversariorum: ergo nec
antecedens.

Contra est quartus. Intrinseca efficacia de-
cretorum debet salvare omnipotensissimum DEI do-
minium super humanas voluntates: sed hoc non
salvatur per explicatam efficaciam: ergo. Major
est D. Augustini. Minor probatur; tum, quia ista
decreta dependent à prævisa futuritione con-
fusi; neque posset DEUS facere per suam omni-
potentiam, ut per illa auxilia moveretur voluntas in iis
circumstantiis: in quibus per scientiam mediā præ-
videtur non consensura: tum quia omnis ista con-
nexio, quam sive decretum sive auxilium à decre-
to præparatum habet, tantum est moralis; sed ita

X 3

^{1.} Martinez in M SS. de DEO prædestin. sc. 3.
§. 1. c. 1. cum ex D. Augustino de bono perseve-
rantia, c. 17. necessitatem efficacis & prædefiniti-
onis decreti saltem respectu supernaturalium no-
strorum actuorum liberorum probâbat, alias ruitu-
ra DEI omnipotentissima potestate, supremo que
domino in nostras liberas voluntates, in 3. con-
clusione assertam hucusque efficaciam sic exponit:
Hoc DEI efficacis prædefinitio, est illa simpliciter
beneficia DEI voluntas, quā homini operanti bo-
num preparavit auxilium infallibile & certum pro
bona operatione, non purè materialiter, quod est
verum, sed formaliter, quia est certum, & infal-
libile, quod sententia tria dicit: primò, quod DEUS
per scientiam medium exploraverit, quānam au-
xilia homini bene operaturo sint congrua, quā al-
teri non operaturo non sint congrua: secundò,
quod ex speciali affectu benevolentiae velit auxilia
conferre operature, que prævidit ipsi fore con-
grua & obtentura consenserunt. Tertiò, quod
hoc beneficia voluntas tendat in illa auxilia forma-
liter ut congrua & habitura infallibilem effectum,
arque ex parte motivi respiciat honestatem libera-
litatis largioris supra liberalitatem providentia
communis; cùm tamen voluntas eadem auxilia
conferendi homini non operaturo tendat in illa
tangam intrinsecè conductientia ad bonam ope-
rationem, non vero ut congrua, & ex parte motivi
respiciat honestatem providentia tantum suffi-
cientis. Sic ille.

2. Contra quam sententia est primò. Efficacia sic
explicata non est Augustiniana: ergo nec vera.
Consequens est Adversarii, qui totis viribus in
suis partes conatur trahere S. Augustinum. Ante-

cedens probatur: Decretum prædefiniens S. P.
Augustini non est submixum præscientie; efficacia
decreti per adversi est submixa præscientie: er-
go difinit à Doctrina S. Patris. Antecedens
probatur primo. Decretum, cuius efficacia est
submixa præscientie, fuit illa, quam Faustus
Rhagensis contra S. Augustinum afferebat, ut
patet ex eiusdem l. 2. c. 3. dicentis. Nisi præscien-
tia exploraverit, prædefinitio nihil dēcērit. Et
ex epist. D. Prospere ad D. Augustinum. Secun-
dò, quia idem Faustus l. 1. de lib. arbitr. c. 11.
Divini Augustinum vocat interemporem liberis ar-
bitrii, quia in alterum partem omnia statuta &
definita se pronuntias: non lane, quia prædefini-
tio est submixa præscientie, sed quia docebat S.
P. quod præscientia sit submixa de c r e t o . ut habet in
cit. c. 17. de bono perseverancia. Tertiò, quia
eodem loco S. P. habet istam sequelam. Si dantur
beneficia à DEO: aut ea se dat urum esse præcivit,
profeci prædestinavit. In sententia Adversario-
rum opposita valet sequela: si prædestinavit, præ-
scivit; cum fundatum efficacis prædefinitio-
nis sit præscientia conditionata.

Contra sunt secundò omnes authoritates &
rationes, quas contra futuritionem decreto præ-
suppositam, & contra scientiam medium ante addu-
ximus, & pro gratia efficacia suo loco ad-
ducemus,

ista non salvat omnipotentissimam voluntatis efficaciam, quæ debet esse summa & perfectissima in genere efficacia, certitudinis & infallibilitatis, adéoque non moralis, sed metaphysica. De qua statim plura.

2. Contrà est quintò. Nisi decretum prædicens sit simpliciter antecedens nostras voluntates, tunc iste præsuppositivè ante decretum DEI saltem in statu conditionato viderentur in seipsis, & non in essentiâ DEI tanquam causa: conlequens non est admittendum, prout super. de visione & scientia latè deduximus: ergo nec antecedens. Sequela non negatur ab adversariis, etisque manifesta: quia essentia Divina non aliter est causa actualium creaturarum, quam per liberum decretum sui voluntatis: ergo si decretum non antecedit futuritionem eventus, non potest DEUS illam videre in sua essentia tanquam causa.

§. II.

Referitur & refutatur intrinseca efficacia
Henrici à S. Ignatio.

9. Hic præclarus Author postquam contra scien-tiam medium prædeterminationis decreta firmiter stabilivit, repudiat tamen physicis prædeterminationibus dist. 10. a. 3. efficaciam decreti reducit in moralem motionem, five in præparationem mediorum & caulfarum secundarum, ex se quidem fallibilium & defectibilium, prout tamen substanti ordinis Divinae providentiae infallibiliter & indefectibiliter consequentia suos effectus; et quod virtus Divina etiam defectibiles caulas sine defectu conservat, adhibendo adminicula, & removendo obstacula; quemadmodum industrius Agricola circa plantationem arboris procedens quandoque infallibiliter eandem perducit ad frugem.

10. Hæc sententia quamvis mediâ viâ sibi videatur incidere, quia tamen ab Augustiniana efficaciae sinceritate declinat, non videtur scopum veritatis affequi. Unde contrà est primò. Divus Augustinus requiriuit majorem efficaciam, quam moralē ex parte omnipotentissimam DEI voluntatis; sed hæc sententia tantum attribuit efficaciam moralē: ergo non consonat cum mente & doctrina S. Augustini. Minor deducitur ex doctrina Adversarii. Efficacia nāmque consistens in præparatione caulfarum secundarum tantum moraliter moventium absque aliquo influxu physico, sive ipsis caulis secundis, sive ab illis causis in voluntatem impresso, non potest esse major, quam moralis: sed talis est efficacia Divina prædeterminationis juxta Adversarios: ergo.

Major vero multipliciter probatur. Nam pri-mò D. Augustinus requiriuit majorem efficaciam, quam concedebatur à Semipelagianis: sed moralē nec ipsi negarunt; que nimurum sit suadendo exhortationibus, movendo exemplis, terrendo periculis, incitando miraculis, dando intellectum, inspirando consilium, cōque ipsum illuminando, ut habet S. Proþer de vocat. gent. l. 2. c. 26. Unde & ipse S. Augustinus l. 1. de grat. Christi c. 8. 10. postquam retulit verba Pelagi, quibus explicat gratia efficaciam: operatur in nobis velle, quod bonum est, velle, quod sanitum est, dum nos

terrenis cupiditatibus deditos, mutantur more ammalium tantummodo præficia diligentes, futura gloria magnitudine & præiormum felicitatione succedit, dum revelatione sapientia in defensionem DEI stuporem suscitare voluntatem, dum nobis suader omne, quod bonum est. quid ad hæc D. Augustinus? Hinc apparet, inquit c. 10. hoc enim gratiam confiteri, quā demonstrat & revelat DEUS, quid agere debeamus, non quā donat, atque adjuvat, ut agamus, &c. Igitur à D. Augustino major requiritur efficacia, quām quæ tantum in morali motione & præparatione mediiorum moraliter & objective moventium consistit: ergo requirit physicam efficaciam, quidquid enim aliud assignaveris, ad genus moralis & objective motionis pertinet; quā etiam ex hoc capite est inficiens, quod magis der posse operari, quān ipsum operari, sitque tam sufficiens, quam peciali & efficaci prævidentia communis.

Secundò D. Augustinus agnoscit efficaciam infallibilem, insuperabilem; sed talis non est efficacia moralis, suapte naturā fallibilis, & responsibilis. Tertiò ea est efficacia Augustiniana, quā DEUS mirabilē & ineffabilē in nobis operatur & velle: sed moraliter movere quid est mirabile? cūm sit quotidiani hominibus, demonibusque comune, ut & ipsa Adversariorum exempla demonstrant. Quartò D. Augustinus efficacia Divinae vocationis in solam DEI gratiam & misericordiam (prælestum in D. Pauli conversione) refundit, ut totum DEO detur, qui homini voluntatem & preparat adiuvandam & adjuva preparatam. In hac vero tentativa efficacia vocationis magis consistit in coacervatione caulfarum secundarum voluntatis consenserunt infallibiliter obtinendum; ita, ut licet voluntas singulis possit resistere, non tamen restitura sit omnibus simul sumptus.

Dicunt quidem Adversarii, caulas secundas ex se fallibilis, fortius tamen infallibiliter, prout substanti ordinis Divinae prævidentia,

Contra quam tamen responsum est, & doctrinam Adversariorum est secundò. Cūm dicitur, quid series caulfarum secundarum per se vel per accidens concurrentiam ad consensem liberi arbitrii accipiat infallibilitatem ex ordine Divinae prævidentiae, vel significatur, quid operationi caulfarum secundarum accedit aliquid ex parte intellectus, vel ex parte voluntatis Divinae, ut fallibilitate deposita induant infallibilitatem: Non primum; sic enim incidis in scientiam medium, & defendis extrinsecam solum efficaciam, secundum sup. dicta.

Non secundum; quia si admittis emanationem alicuius efficaciae & motionis plus quam moralis a caulis prima in caulam secundam, incidis in sententiam physicæ prædeterminationis, adéoque utriusque partis, tum media scientie, tum physice prædeterminationis telis te objicis. Si contendas, nihil accedere nec ab intellectu, nec à voluntate, manet inintelligibile, quo pacto caule fallibilis & defectibilis, reddantur defectus & fallibilitatis immunes, omnibus in eodem statu, ut sunt extra ordinem Divinae prævidentiae, relictis.